

Ch. 3195/4226-88

CHINESE . . . LIBRARY OF
HARVARD - YENCHING INSTITUTE
AT HARVARD UNIVERSITY
JUN 6 1947

1

乾隆二十一年重修

彭澤縣志

重修彭澤縣志序

哈佛大學漢和
圖書館珍藏印

九江五邑惟彭澤之名最古德化
瑞昌湖口皆名自南唐德安置自五
代楊吳彭澤獨肇自前漢顏師古
注班書所謂禹貢彭蠡在鹵者是
也雖其後分稱不一其地較漢時為
小西門戶江右襟帶江左砥柱孤橫
龍城四塞則地為要地山奇水秀
古蹟為多其地古者風淳况為晉

陶靖節唐狄文惠二賢過化之區
嘗令人問名神道者子攷二賢行可
一有所不為一為所當為請節自叙
其為令賦歸也曰是時向立年志意
多所恥遂告介然介終純歸田里又
曰義農告余久舉世少復真汲
魯中叟弥縫使正淳是居志意所
在固無時不思希古聖復古治且
殷以舉必為懷而況所蒞之一邑時

隆輶也所即以真淳為治可知如文
惠以古夫求風誼諄趨相傳有抗
疏免租擬因復過二事皆世所難
行而當民之真克字字上化民之淳
且及於因今人穆然如見上古之風焉
嗣是以沒宦所地與生居地各名賢
相望下及閨門閭巷葛行多有可傳
而文年尔雅蔚然與三吳竟接不與
志京何以淑文故獻願自康熙癸亥

王君廷藩修志後迄今七十餘載恭植
國家重熙累洽化隆往古山陬海澨文
物光昭矧屬名勝之邦尤不可以因
循缺畧余臣謫隨忝守滬易仰承
名大臺教令下諸五邑德化瑞昌誌志
以次報竣時振彭篆梅川吳君毅
然有作諮委邑紳士設局纂輯新
調令平江何君繼玉靈懷亦子參
互攷訂尤於忠孝大節事關風化

更加意搜羅表章率力自己
亥冬記丙子季夏凡九閱月而新志
告成區義例照余所擬式而持擇編
摩各極詳春此一役也良無新舊久
輒畏難紛擾之搆士無水火忠涼
爭競黨同之意何至真淳相與
綽有古風也則世傳彭俗浮屠較
四邑為難治者豈非耳食之譚歟
夫治道當為之事不止於修志而志

之所載當為之事萃乎人苟本不
為之操運當為之績無論東此與屋
此者均以古賢為法俾真淳之風與
奇山秀水輝映無窮將見治與俗
益有文進於古之實而豈第名之
云尔哉是為序

乾隆二十有一年歲次丙子孟秋之
吉中憲大夫知江西九江府事豐

潤董榕誤



重修彭澤縣志序

誌者志一邑之事將以垂法
戒示激揚非徒誇博洽美觀
聽已也蓋上志星紀災祥下
志山川疆域中志人物藝文
三才之道備焉凡誦求吏治

者思所以順天之時因地之
利本人之情由此興利除弊
示儉示禮可相其緩急輕重
而措施悉協也志之所闕大
矣哉彭澤為陶靖節先生舊
治嗣是而狄文惠公趙忠毅

公先後輝映貞風亮節三賢
足千古矣某粵東下士於丙
辰鄉薦後由長江北上過彭
蠡登孤山仰慕遺徽穆然見
山高水長茲奉

憲委署斯邑意以事必師古乃

可宜今刻取志書查閱僅得
癸亥王令脩本距今七十餘
年未有續編其間民風士習
沐

聖治之涵濡重熙累洽既蒸々而
日上且學校典禮農田水利

一切緊要事宜皆缺焉弗載
余所為掩卷長歎也

郡憲董公以當代名儒來守是
邦百廢具舉煥然維新尤以
志闕政治加意訂脩乃商諸
紳士咸有同心因得見所見

聞訪聞為之拾其遺補其漏
務期考据詳明不憚勞搜博
採而去取增芟悉遵

列憲鈞諭矢公矢慎無偏無徇
必折衷至當俾可信可傳爰
分門別類列為總綱條為細

目共計若干卷凡夫上而星
紀災祥下而山川疆域中而
人物藝文與夫學校農桑諸
政務莫不洪纖畢具有脊有
倫庶幾法戒洞若激揚躍如
一開卷而瞭然在目則茲志

之有裨吏治實由

郡憲諄切之至意而殫心力勉

始終以贊襄厥成諸君之功



當尔共垂不朽矣是為序

肯

乾隆二十一年丙子仲春月

之吉署彭澤縣事梅州吳

會川撰并書



重修彭澤縣志序

志於邑事無不出畝栽一隅之故宜褒輿
之廣大激焉必也勿猥勿繁記注明而予
奪公攬古者可以觀感為治者有所取
裁斯志之善者也我

國家聖王相承百年化洽踐土食毛之衆
莫不涵泳思膏寸地尺天爭圖五會

况彭邑肇自漢代世號名區財賦人
民之所聚殖英賢流風之此漸被廣
輪僅百餘里而控引池皖取勢稱雄抑
六江右山水靈秀所萃會也余承乏茲
邑延訪土風見今民習耕漁士敦儒雅
火率崇氣誼以質行相矜尚蓋猶有
陶靖節杜文惠趙忠毅之遺風班固氏

有言可貴哉仁頃之化也至如地衝而瘠
俗或褻以鬻器凌惟在良司牧在起生弊而
救生偏使蒼黎有賴攷古從今區志昌顯
邑舊有志前令舉城王君編輯於康熙
癸亥考訂詳覈以備典存顧之七十年来
曾無有踵而嗣脩者生聚蕃茂日盛于
一日出光潛迹年遠於一平滿雜考漸

遠漸泐文獻一無所存後將焉徵今

天子撫馭寰區神周海甸各

上憲宣猷布化整飭吏治皆以脩志為急
郡伯董公尤引為己任章惟亮方寸訓示備
至不以此時奉將注意率眾志以成李舉
吏蘇土者冒以辭疾先是署象粵東豈
君既已奉文建議開局興修爰聘師儒

勤考覈籌貲費羣力畢效刻期歲事

凡本志若干卷雖然果足為志之善在乎

夫志通史體余風塵作吏詎擅三長惟是

網羅舊聞意存矜慎此衷與同事在共矢

之書成覆視竊幸斟酌予奪不濫不遺而

首尾明備頗無缺畧之憾茲事增則文不


宥省卷帙之擴亦不得以繁猥病也若此庶

幾為志之善者乎蓋未之逮也而竊有志
焉耳矣

告

乾隆二十一年歲在丙子季秋之吉知彭

澤縣事平江何炳奎撰并書



序

歲庚午予兄登賢書彭得五人焉壬申
余謬叨鄉薦彭又得五人焉回想陶靖
節狄文惠先賢過化之地其流風餘韻
猶有存者故人文蔚起於今為烈惜不
得藍輿過訪履其地覽其名勝與二三
同志話心期肆觴咏憑今弔古殊耿々

也。比夏公車北上，舟抵長江，得識古彭澤地，望其山水奇特，儼在縹緲翠微中。時又以不得一登為恨。丙子秋，恭奉

簡命司鐸，是邦甫下車，得接都人士詩書禮

樂之氣，蔚然炳然，靈泚之萃，信有鍾矣。及觀城郭都市風謠土俗，萬家烟火，百里絃歌，心醉者久之，急欲採輿圖以稽

其勝而邑之縉紳先生方從事編輯，剏將竣，因授簡於余，并屬以序。余不敏，未尸厥勞，且商皇典，則弁冕鴻裁。

郡憲董公序之詳矣，規例謹嚴，綜核密緻。梅州平江二邑，侯序之又詳矣。予何序為？然塵埃下士，附青雲而名益顯，幸已余何敢以不文辭。回念韓子有云：莫

為之前雖美弗彰莫為之後雖盛弗傳
今試披覽遺文崇祀典者幾人入鄉賢
者幾人植綱常勒金石者又幾人炳々
麟々都歟盛矣顧後之視今亦猶今之
視昔大丈夫幸生盛明為忠孝為聖賢
宜自居何等使百世下俎豆而馨香之
又居何等光竹帛銘鼎鐘蘭臺虎觀大

書特書一邑云乎哉志一邑云乎哉余
盱江末學職司教誨觀風景之不改樂
人文之日新得步賢士大夫浚塵鼓勵
振興共襄不朽之業也是則余之厚幸
也夫是為序

乾隆二十一年丙子孟冬月之吉掌彭

澤縣儒學教諭事盱豐鄒炆撰



彭澤縣志目錄式奉府頒

舊序

曾序

王序

戴序

葉序

王序

舊志纂修姓氏

今志凡例

總鑒姓氏

分纂姓氏

分卷

圖

總圖

分圖

表

沿革表

秩官表

選舉表

進士 舉人 貢生 武舉人 武行 雜薦 應例 武進 士 壽 武舉人 武行 雜進 賄封 鄉賓

志

方輿志

建置志

食貨志

學校志

典禮志

星野 疆域 形勝 山川 水利 風俗

城垣 公署 倉廩 亭館 津梁 郵傳 軍衛 兵防 保甲 坊表 雜稅 屯政

戶口 田產 起運 經費 雜稅 屯政 恤政 積貯 物產 附均役始末

學制 書籍 學田 書院

秋祀 壇壝 祠廟 祭樂器 公儀 慶賀 賓興 講約 鄉飲 時制 服制

藝文志

傳

列傳

名循 邦賢 忠烈 孝義 儒林 文學 篤行 隱逸 僑寓 孝婦 烈婦 烈女 貞婦 貞女 賢婦 節婦 壽婦

錄

文錄

詩錄

記

古蹟記

古事記

雜記

祥異 史事

宗祠 邱墓 此在祀典之外者 義塚 軼事

別記

仙釋

方技

寺觀

藝部

彭澤縣志舊序一

士君子立身天地間必有大本蘊於中然後有大用見諸
 行事可以建諸天地質諸鬼神載之簡冊而垂示無窮也
 始蘓凌侯杞以雄才碩學來令彭澤三年政通人和暇以
 邑志弗完孜孜考索以補之粲然成書俾此邑故實百里
 而廣百世而遠觀者可一目盡侯亦可謂善用心者矣吾
 嘗以為令一邑則以一心而通一邑之人心守一郡則以
 一心而通一郡之人心宰天下則以一心而通天下之人
 心蓋其胸中大本已具而所以運籌定策設施措置凡見
 諸用者可以建天地質鬼神傳之永久蓋聖賢彌綸參贊
 者端乃如此若夫山川之險瘳土地之腴瘠人物之盛衰

生齒之登耗風俗之淳漓政治之得失脫胸中有未了了則措諸政事能無倒行逆施置生靈於鴻雁嗷嗷之地耶此郡邑之志所以不可或無而吾夫子所以必水土之襲而痛祀宋之文獻不足也侯此編之舉意不在於此哉意在於此不謂之善用心可乎噫有大抱負者之作用自與俗殊也昔靖忠二公嘗先後治斯邑一以名節著一以治功顯其大本大用雖已播諸聲詩勒諸金石吾恐畫馬之筆不能盡其毛也嗚呼彭澤雖小邑也其江山增重而望越他郡者孰謂非此英雄豪傑造化中來哉後之繼宰茲土者尙期無愧

成化二十一年歲次乙巳中秋賜進士出身翰林院修撰

泰和曾彥書

舊序二

夫志所以紀一邑之事文獻所徵不可無也彭澤爲古名邑往往得人治之其故實前令凌君雖編輯鋟梓亦已久矣往者不能無略來者不能無遺余自抵任來欲重錄而脩葺之事冗未克近得太學友是邑陶堅待選于家遂相與詢故訪舊補略拾遺以公去取斯爲全書用壽諸梓庶咸有所考證焉若以余爲能言文事而言之則失之矣

弘治甲子九月九日彭澤縣知縣長沙王琦謹題

舊序三

夫志古國史也以紀輿地食貨建設風俗秩官選舉恩命

人物藝文之制貴詳而有體豈易言哉九江郡志兼載彭澤而未詳也迨稽邑志幾漫滅矣豈文獻之不足證亦吏茲土者之非其人爾判府葉君三攝邑篆銳意重修以妨庶務未遑也適浙之戴君震亨來署學諭博洽有史才廼馳幣往告毅然允之三越月而纂成執稿請叙余惟彭澤吳越要衝其先壽春地也山峻土沃俗尙文儀儒風相續民習經商婦事織紡舉墜不作佛事頗稱醇厚間有婚娶論財至不育女鄉之十九二十都民健鬪喜爭積猾更滋侵弊而治道微矣余承明命叨守是邦論財健訟之風駸駸向化而欺隱占奪弊亦頓革獨於戶田城垣地方急務而綜理未逮竊有憂焉我督府王公撫巡江右爰下令文

田審戶築砌城垣余以葉君才可肩任屢爲區畫覬覦相成是以田土聿增二萬戶口亦清審除報不差若夫城垣創制猶悉按彭澤縣治依鳳凰山其形如椅惟缺其前舊有土城久圯游寇亦或侵之嘉靖甲申縣令李君孟壽蓋嘗董築亦僅因山纍石高不踰六尺而陡削不能成堞四周不備以故盜賊公行虎豹亦時入市居民夜竄守者莫覺萬曆初年縣令雷君時敏亦請翻砌增高而措處靡當迄無定論余知城垣空缺不測可虞仍慨前典修者之不恪也復謀諸葉君務求盡制缺者補之卑者高之傾者平之窳者闢之而猶增置窩舖七所以備守望觀音山新造八十餘丈鳳凰山新造四十餘丈且治馬道通行登城如

履平地因山伐石勸匠赴工費省而功鉅矻然稱雄足爲保障而彭澤于是乎改觀矣豈不誠江右要區哉余以是益知彭澤之不可無志也是志也其例嚴其文雅要領舉而節目詳信史之有體者矣後之司牧者按志而考之殆可以因勢注措起弊推移而於邑治何有

萬曆壬午秋八月吉旦賜進士出身中憲大夫知九江府事前吏科左給事中經筵官嘉禾戴鳳翔撰

舊序四

余己卯歲署彭澤觀山川奇勝仰古哲流風有餘慕焉因索誌稽故實莫能得緣邑舍遭回祿之變誌竝煨燼隨博訪故老得殘簡觀之久廢弗續自弘治而下文獻莫考矧

燼餘舊刻無傳余甚憫焉慨然欲修之莫有與者居無何揖新尹告去矣越二載辛巳復署邑事得學博戴公震亨有史才遂具幣請司其事仍白本府戴公鳳翔可之方具筆札俶載未具余又揖新尹告去矣諄諄託之弗遂越五旬壬午春正月尹忽弗祿余又奉命來攝竊思曰菲材不能領邑事重爲民病但得誌成耐夙願矣遂與二公上下議論續次其事損益舊文潤色之越二月告成捐俸鍍梓公私無所費昔孔子說夏商之禮而慨莫徵彭古稱巖邑多豪傑名輩宦茲土者有殊絕偉人誌廢則盛美弗傳弗彰惜哉噫廢必有興興必有待余三署邑而誌成亦奇矣

萬曆壬午春二月望日署彭澤縣事九江府通判葉朝榮

書

舊序五

我

皇朝龍興四十餘年道洽澤潤窮髮不毛靡弗稽顙來庭
獻琛恐後車書一家幅員廣輪振古無有宜有職方
之紀一統之志以風示寓內非獨爲

太平之黼黻休明之鼓吹也抑將以攷山川之險易詢
風氣之剛柔辨習俗之貞淫察戶口之登耗因而就
深就淺以上下其治哀益其施馴擾調娛優柔饜飫
自然而躋於平康正直之世焉耳矣然則輶軒之使
下採方輿會計之書上登中秘謂非

今日之先務哉先是

天子用輔臣議

詔郡縣各修志以

聞天下奉行而纂輯者什二三旣而封狼用殄海波不
揚衅甲櫜弓旋

詔促成而天下之承風者什六七今則省彙郡縣之志而
爲通志

部限程督 憲檄交午天下之告成者什而入九矣
彭澤始皇皇修輯凡閱三月而事乃竣何其後也蓋
由彭而言則兵燹洊臻而文獻無徵也由藩而言則
攝承日淺而政教未洽也彭邑前此嘗有志矣在明

萬曆壬午距今百有餘年其間迭遭焚剽鏤板既燼
陳編亦湮窮搜密購乃獲一帙以爲張本及詢彼後
事而故老無存動淹歲月神探意索始與近事相承
此則文獻之無徵有不容不後者也夫志也者寧獨
定其區輿識其風土詳營建之廢興明秩祀之崇替
覈賦役以恤民艱述官師以仰循績紀選舉人物以
徵靈秀所鍾錄藝文雜說以覘英華所洩云爾哉宰
是邑者其敷政立教之迹將於是而可尋也灌自辛
酉待罪二載於茲見彭民好訟而喜爭而亟思所以
變之也其地衝民苦於役則爲均之使不偏於累其
俗儉民畜於財則爲寶之使不橫於出其強食弱肉

也則爲破情面以衛之其鬪於室而鬪於墻也則爲
明倫紀以訓之其喬野而罔知奉上瀆也則爲講
十六諭以牖之然起視其民未見有革心而嚮化者豈
非藩之治本未善而爲日又淺以致然歟斯則惴惴
焉獲戾是懼雖欲不後而又不敢矣雖然稟
章程而兢兢採輯辭休臥而汲汲纂修具有成書用告
不敏則駑駘之後與騏驥之先均息轅休秣於家廐
而已矣

康熙二十有二年歲在癸亥重陽日知彭澤縣事臯城王
廷藩書

彭之有志亦屢經修輯矣然物換星移卷帙散軼迄
今求文獻之可徵惟萬歷葉志

國朝王志已爾其他無可考也夫創立規模搜羅故實
類費苦心忍使前人姓字湮沒不傳於後乎謹稽舊
帙臚列芳名以志竊比之意云

萬歷拾年壬午纂修姓氏

知府戴鳳翔

通判署縣事葉朝榮

訓導署教諭事戴震亨

貢生何 髦 庠生計如愚 陶濟遇 何汝翼

馮之京 歐陽思 馮士觀 王演疇 馮士旂

康熙二十二年癸亥纂修姓氏

知府陳秉化

同知李作楫

知縣王廷藩

教諭潘若騰

訓導喻方毅

潘瀚

貢生何圖書

周瑞

生員王應昌

丁自發

凌善寶 姚文涑

王掄

舉人周易元

張日進

洪岱齡

監生胡

海

條例總要

竊惟郡邑之志其體有三取禹貢周禮爾雅山海經水
 經注文獻通考寰宇記諸書而核之於山川城池水利
 農田風俗禮教人物藝文各為一通悉綱舉目張洪纖
 畢備要皆有典有則有原有委此文之最貴者也至於
 功業文章代不乏人然行必求其純粹事必期其可師
 不急之文不經之事一偏之行咸屏而不錄誠恐一時
 清議可溷千秋直道難欺此得春秋謹嚴遺意亦志之
 可信可傳者也若夫揚芳表懿發潛德之幽光或采於
 遺編或搜于敗簡或諮諸故老或訪及窮簷不以富貴
 而誇張不以寒微而遺棄使往者無沉淪之感來者知

爲善之榮此有功於世道人心所係非淺鮮也顧邑皆
有志而佳本絕少其故亦有二凡志之修有出於一人
之手裁者有成於衆人之見聞者出於一者必其人之
才學識高於尋常直據胸臆而斷之蒼萃羣言而成之
然往往擇焉而不精語焉而不詳患在能簡而不能該
其成於衆者與其事者既多則意見未免參差議論必
有出入非實有董狐之直吳兢之正不撓於勢利不鑠
於衆口鮮不以桑梓連綿瓜葛綰結而依阿曲徇反藉
口於善善從長之說者子虛烏有安得云佳彭志七十
餘年未有續編會川署篆茲土遵奉

罷憲飭修邑志爰集多士而商酌之諸君子咸踴躍從事

一倡百和司筆墨者有人理財用者有人好德同情良
不誣矣第會川愧乏三長謬膺百里欲以簿書之餘擲
管舒紙非特不能夫亦何暇因廉得博洽淹雅才品兼
優者邑中紳士若干人分司其事禮辟而開局就文
孝宮而館焉惟願諸君詳審精密各盡所長秉公持正
去取無私勿黨同而伐異勿蓄怨而市恩應增者增應
芟者芟訛者正之勞者糾之水心鐵面鑑空衡平集數
十人之耳目心思採數十年之人文事蹟以成千百年
可信可傳之書是所厚望也第恐各執意見不無異同
因不揣固陋謹定章程數條俾免浮誇之謂用存直道
之公云爾

凡例列左

一舊志一十四卷其間沿革廢興營建賦役類多變更宜酌古準今毋讓毋訛官師選舉人物藝文率多缺畧宜遠稽近考毋濫毋阿固不可因陋就簡亦不得踵事增華

一禮樂之興正在盛平學校規制嚴肅朝儀祀典統於是賴蓋政教所從出卽風俗所由成也本朝封贈鉅典

御製祭文樂章新頒樂器祭器儀注陳設各條及先賢先儒牌位次第不得依舊志從畧一以示職守一以昭典物犂瓶假器庶無尤焉

一水利之志最爲切要禹貢則三壤以定賦由於濬畎距川周禮別九賦以歛財詳於都鄙郊遂蓋稼穡所由賴卽賦稅所從出也閱舊志於農田水利亦多從畧所有陂堰池塘雖註其地未核所灌田畝實數若干須逐一註明庶不致豪強侵塞有害農桑

一州縣爲親民之官而克副父母之稱如召杜者能有幾人故必其政績卓然見稱於時來暮興歌去思弗諼者始爲立傳以著甘棠之愛否則祇紀其姓名以年代序列焉可也

一生人不得立傳良由蓋棺論定始爲允協卽或其人已往止宜據事直書高下自見不得以贊語渾舉仁敬孝慈一人兼盡此乃文家陋習相率爲諛墓之文耳夫漢

武侯之盡瘁雖以陳壽私憾綱目猶明正其失晉王導之重名兼以子孫貴盛後世猶攻發其姦良可畏也得不慎哉

一忠孝節義人所難能大德克全自應垂於竹帛銘諸鐘鼎顧忠孝之稱未易盜襲而節義之譽間多影附夫節婦之被褒揚者宜登梨棗可無疑矣其有未沐旌表呈請入志必查其年在二十內外孀居撫孤堅白自矢現年將六旬者始爲合例否則安能保其初終一轍乎間或貧寒無力骨香而名沒者必詢諸輿論之公卽附於列女之傳若義士之流須察其蹈湯赴火慷慨激烈於何事捐貲賑饑濟困救災於何年造橋修路架渡築塚

於何所確鑿有據事屬共見共聞者方許載志如有勞空虛捏囑托營求以沾美名者斷不曲徇

一邑乘之弊有二一雜採民間譜牒以爲祖德宗功所宜表著一泛據後裔呈狀以爲前賢先哲所宜景仰竊恐冒認混捏錯舉妄攀如郭崇韜拜子儀墳不直考古者一笑有識之士當深耻而不肯爲也

一邱墓必取名宦最著曾邀

御葬賜諡所葬之地確有據者志之不然則隣於僭且邑志

非家譜可比慎重焉可也

一列女傳一通須分節烈賢孝每見志乘所載節烈混而爲一殊多刺謬夫栢舟矢志固屬可嘉而視死如歸尤

覺激烈類記而區別焉可也

一藝文如詩賦記序蒐羅固宜富揀擇亦宜嚴夫吉光片羽自珍人世文固以人而重非人以文而傳也登臨吟咏非薦名山大川述事寫懷無關政教風俗者雖名作如林恐汗牛充棟寧節毋濫

一仙釋方技事近幻誕別爲一記以補正志之不逮如齊諧之志存而不論焉可也

一志費浩繁衆擎則易舉凡士庶中有祖父母父母應闡揚者捐助不拘一格多多益善如類壁兩學諸生有自願捐金五十兩以上者詳請

記憲給扁旌獎至捐金不等者亦附姓名于版

一志局中分司其事者宜夙夜在公惟和惟一有始有終毋得掛名與事任意進退致虛延歲時毫無建白

梅州吳會川識

世爵博各與事其意遊遊遊遊無鼓白
志局中台同其事皆宜夙夜其勤一官故休然

輯世吳會川端

彭澤縣志

總鑒

督憲尹諱繼善滿洲鑲黃旗人 癸卯

撫憲胡諱寶璵安徽歙縣人 癸卯

學憲張諱映辰浙江錢塘縣人 癸丑

藩憲王諱興吾江蘇華亭縣人 丁未

臬憲蘓諱崇阿滿洲鑲白旗人

糧憲

驛憲和諱其衷滿洲正紅旗人 甲辰

巡憲黃諱為兆江南江都縣人 貢生

府憲董諱榕直隸豐潤縣人 拔貢

防憲完顏講隆輔奉天正藍旗人 例監
協輯

縣訓署教諭事丁士偉廣信貴溪人 歲貢
督梓

典史陸崧江蘓元和人

署典史李殿雄浙江山陰人

巡檢向時大四川東鄉人 監生

典史錢為嵩江蘇丹徒人 監生

彭澤縣志重修姓氏

掌修

署彭澤縣事梅州 吳會川

知彭澤縣事平江 何炳奎

分纂

辛未科進士 何顯

己酉科舉人 王宗猷

庚午科舉人 凌汝綿

癸酉科舉人 歐陽正亨

廩貢生 丁春

歲貢生 饒鞏

恩 貢 生 歐陽汝顯

辛酉 科舉 人 歐陽恭

邑 庠 生 歐陽賞

邑 庠 生 歐陽汝瑞

邑 庠 生 周世業

邑 庠 生 丁 熾

邑 庠 生 丁 特

邑 庠 生 王 璽

候選 州 同 高世俊

邑 庠 生 歐陽仁

邑 庠 生 田興迪

王申 科舉 人 汪學烜

監 貢 生 周世永

邑 庠 生 王安

邑 庠 生 洪毅

郡 廩 生 周鏡

邑 庠 生 歐陽輝

邑 廩 生 高作霖

郡 廩 生 汪源棟

邑 增 生 汪熙

邑 庠 生 汪樺

郡 庠 生 歐陽懋泗

邑

庠

生

黃紹元

邑

庠

生

何南庚

邑

庠

生

歐陽懋德

參閱

癸卯

科

進士

何儻

歲

貢

生

張京萃

豐城

縣

廩生

楊其謨

繪圖

邑

庠

生

汪蒸

童

生

馮榮

彭澤縣志分卷

卷一

沿革表

秩官表

卷二

選舉表

卷三

方輿志

卷四

建置志

卷五

食貨志

卷六

學校志

卷七

典禮志

卷八

藝文志

卷九

列傳

名循

邦賢

忠烈

孝義

卷十

列傳

儒林

文學

篤行

隱逸

僑寓

卷十一

列傳

孝婦
節婦

烈婦
壽婦

烈女

貞婦

貞女

賢婦

卷十二

文錄

卷十三

詩錄

卷十四

古蹟記

卷十五

古事記

雜記

彭澤縣志
卷十六


別記

彭澤縣志圖說

圖者象也書不盡言言不盡意則立象以盡之古人所爲左圖而右書也矧山川形勝棟宇連綿非繪之圖何由昭諸尺素乎彭邑隸潯郡疆錯螽澤雷封之內競秀爭奇目不給賞或天巧所創造或人力所設施洋洋乎稱大觀矣縮百里於指掌列千態於眉睫爲各寫一圖以便尋芳選勝者覽觀焉

陽界去十九里

東南抵江



東都三十三
北抵江南望江界去六十里
毛湖洲
毛湖夾
天苑
里十去界

全縣境圖



昌界去一百里



南抵都





北抵宿松
江西南宿松界去三十里
西北抵

縣治圖














仁磯釣月



觀閣流霞



柳洲凝霧







雙峯庵

雙峰霽色


三澤系示



孤柱



濤聲





芙蓉墩

江天



方湖漁唱

鐵爐山

青山頭



玉

仙橋石

仙田

玉洞 僊遊



洞壺

仙真岩

彭澤縣志卷之一

署彭澤縣事梅州吳會川

全輯

知彭澤縣事平江何炳奎

封爵志

彭界吳楚古無專封周秦兩漢載籍莫稽自晉南渡後以及六朝斯地始為重鎮故分茅間亦及之歷披通志於晉得封侯者一人於齊得封子者一人封男者一人於梁陳得封侯者各一人詩曰之屏之翰百辟為憲雖蕞爾微區亦國家守土也爰冠秩官以志封爵

晉

彭澤縣侯

王舒王導從弟蕪峻平以功封彭澤縣侯尋卒贈車騎大將軍開府儀同三司諡曰穆見晉書不傳宋受命國除

齊

齊始二年彭澤縣男

呂安廣陵人隨征殷琰安策勳第一封彭澤男齊永明八年卒贈鎮北將軍諡曰肅

齊始四年彭澤縣子

陳顯達以平殷琰功封彭澤縣子食邑三百戶

梁

上甲縣都鄉侯

蕭韶蕭猷子韶初封上甲縣都鄉侯城陷西奔元帝改趙繼宣武王封長沙王

陳

彭澤縣侯

魯悉達扶風郿人初歸高祖封彭澤縣侯卒贈安左將軍諡曰孝子覽嗣

將軍蓋曰孝子賢嗣

魯悉致其風俗人味禮高師持復舉舉於卒領之

復舉舉於

刺

帝如鼓舉宜苑王捷是少王

蕭蕭蕭千錯係挂土甲舉借舉於姓劉西奈示

土甲舉借舉於

彭澤縣志卷之一

署彭澤縣事梅州吳會川

全輯

知彭澤縣事平江何炳奎

沿革表

彭澤古多稱崔啐隱麟之區而抱吳含楚飲湘吐
蠡輿地之相沿舊矣唐虞三代職屬方州名肇尙
書圖紀山海封建厥有自來洎秦變郡縣版章分
裂後代襲之此古今一大興革也漢興加置郡國
郡邑三百十四道三十六繼此隨省漸復縣道侯
國千百八十而彭澤統於豫章者始見於高帝時
也後據江南置交廣荆郢等州而屬武昌者三國

廬江出三天子都入江彭澤西

海內東經

按彭澤之名其來久矣蔡九峰云彭蠡地志在豫章郡彭澤縣東合江西江東諸水跨豫章饒州南康軍三州之地酈元注水經彭澤今彭蠡也在潯陽彭澤縣史記南入於江東滙澤為彭蠡孔安國曰水東回為彭蠡大澤又正義註吳起云三苗之國左洞庭而右彭蠡周景式廬山記亦曰柴桑彭澤之郊古三苗國屬廬江郡歷考前說相沿已遠雖其後有以彭澤名郡者有以彭澤屬別郡者或分或合或廢或置叠更不一而彭澤以彭蠡西得名則始於禹貢山海先德化諸縣而名之也

春秋屬吳地 十道志

戰國屬楚周顯王三十六年楚威王殺越王無疆盡取其地 府志

按吳楚各地非指彭澤一處固合江西一省言之也至楚取越地一節年分各有異舊府志載戰國周顯王三十六年楚威王殺越王無疆盡取其地而越世家注則曰周顯王之四十六年楚敗越盡取故吳地與府志所載三十六年不合以觀通鑑綱目載楚滅越乃在周顯之三十五年又與史記互異而府志所載於綱目為近疑亦本諸綱目特字有譌缺抑綱目四十字即三十字之譌耶為舉

其端以俟知者

知府董榕按史記六國年表周顯王三十年楚威王熊商之元年也楚威七年圍齊於徐州楚世家云七年齊孟嘗君父田嬰欺楚楚威王伐齊敗之於徐州徐廣註曰時楚已滅越而伐齊也齊說越令攻楚故云齊欺楚按楚威之七年乃周顯王三十六年也通鑑綱目想因史註有楚已滅越之文故列之於顯王三十五耳又按楚威止十一年係周顯王四十年至四十一年則楚懷王槐元年也周顯王四十六年即楚懷之六年安得尚有楚威王乎觀六國表將楚圍齊於徐州已明列於周顯

三十六年之下則越世家內楚威王北破齊於徐州徐廣所註周顯王之四十六年四字當即三字之訛明矣

秦為九江郡 十道志

始皇二十四年王翦滅楚虜王負芻二十六年分天下為三十六郡注九江其一也 史記秦始皇本紀

漢為豫章郡 十道志

高帝元年項羽立黥布為九江王盡有其地四年分九江置淮南國改封黥布為淮南王即壽春六年淮南置豫章郡領縣十八彭澤隸焉 府志

漢書地理志豫章郡領縣十八其三曰彭澤

後漢書郡國志揚州刺史部豫章郡二十一城其十
三日彭澤

三國南境入吳屬彭澤郡北境入魏屬廬江郡後盡入
吳武昌郡 豫章書

晉豫章郡領縣十六其十日彭澤 晉書志

惠帝元康元年有司奏荆揚二州疆土廣遠統理尤難
於是割揚州之豫章鄱陽廬陵臨川南康建安晉安荆
州之武昌桂陽安成合十郡因江水之名置江州永興
元年分廬江之潯陽武昌之柴桑二縣置潯陽郡屬江
州懷帝永嘉元年又以豫章之彭澤縣屬潯陽郡 同上
舊志永嘉元年析彭澤地置上甲縣屬潯陽郡安帝

義熙八年省上甲入彭澤屬江州江州卽潯陽郡更
名

宋齊彭澤亦屬江州潯陽郡 府志

宋書志晉武帝太康二年以武昌之潯陽復屬廬江
郡惠帝永興元年分廬江武昌立潯陽郡領縣三隸
彭澤南齊志江州鎮潯陽中流襟帶郡領柴桑彭澤
梁置太原郡領彭澤晉陽和城天水平陳郡縣並廢置

龍城縣 隋書志

隋文帝開皇十八年改名彭澤縣 同上

府志隋置九江郡領縣二潯城彭澤 舊志九江郡
卽江州其縣皆在彭蠡西古彭澤鄉卽今湖口地

彭澤縣志 卷之一 五
唐武德四年置江州領湓城潯陽彭澤三縣五年置浩
州又分置都昌樂成二縣八年罷浩州以彭澤屬江州
仍以樂成入彭澤 唐書

舊志武德五年安撫使李大亮擇境內山之高者莫
如浩山因置浩州於山南移置彭澤為附郭縣割彭
之西為都昌彭之東為樂城而統轄之八年州廢樂
城省入彭澤與都昌俱屬江州時彭之鄉有九曰廣
泰曰五柳曰彭澤曰新興曰天水曰太平曰懷恩曰
建安曰黃菊

開元二十一年分江南道為江南東道江南西道置西
道觀察理所管州八洪州饒州虔州吉州江州袁州信

州撫州管縣三十六江州管縣三潯陽彭澤都昌 元初
郡縣志

南唐昇元初自浩州故城移湖西四十里江次即今縣
理 太平寰宇記

寰宇通志保太中以彭澤二鄉析置湖口縣屬江州
舊志昇元二年割彭澤鄉及五柳鄉之半為湖口割
黃菊鄉為東流又并廣泰天水懷恩於五柳合新興
建安太平為四鄉遷縣於小孤江次 按此寰宇通
志曰保太中不知何據

按後五代梁唐晉漢周舊志無彭澤隸屬并郡志省
志沿革悉有缺只載入南唐嘗竊疑之及讀永叔五

代史至職方考時有內屬外屬之分內屬者為五代七十八州為梁一百二十三州為唐一百九州為晉一百六州為漢一百一十八州為周宋興因之此中國之大畧也外屬者強弱相并不常其得失至於周末閩已先亡而在者七國自江以下二十一州為南唐彭澤隸焉今按其譜圖則江州等處梁唐屬吳地晉漢周悉屬南唐南唐李昇自晉天福二年篡楊溥位建國改元至宋開寶八年國滅凡三十九年又考昇子景保太四年馮延巳等以邪佞用事御史中丞江文蔚劾奏宰相馮延巳諫議大夫魏岑亂政與陳覺等同罪而不見貶黜言甚切直景大怒貶文蔚江

州司士參軍故彭澤原屬江州惟有南唐可考

宋高宗建炎元年陞江州為定江軍江西安撫司領縣

五隸彭澤 府志

宋史志曰江州上潯陽郡開寶八年降為軍事大觀

三年升為望郡舊隸江南東路建炎元年升定江軍

節度二年置安撫制置使以江池饒信為江州路紹

興元年復為二路本路置安撫大使嘉熙四年為制

置副使司治所咸淳四年移置司黃州十年還舊治

崇寧戶八萬四千五百六十九口一十三萬八千五

百九十貢雲母石斛縣五彭澤隸焉

元世祖至元十二年置江東西宣撫司十三年改為江

西大都督府隸揚州行省十四年罷都督府升江州路隸龍興行都元帥府後置行中書省江州直隸焉十六年隸黃蘄等路宣慰司二十二年復立行省戶八萬三千九百七十七口五十萬三千八百五十二領司一縣五彭澤隸焉 元史志

明平陳友諒改為九江府領縣五 嘉靖通志

明為九江府五縣仍其舊隸江西布政司分隸九江道府志

國朝因之編戶十八里 府志。安志作編戶十七里訛

按彭澤自古無兩名三代迄秦渾為彭蠡未册為縣豫章書漢末入吳屬彭澤郡漢書地理志豫章

郡領縣十八而彭澤始見後漢書豫章郡二十一城而彭澤與焉其後或屬豫章或屬潯陽或屬江州隨時變遷前說備矣但今之彭澤地惟十八里上連湖口下抵東流左接建德右界望江宿松廣袤約三百餘里而山海經則以廬江三天子都入江彭澤西郭璞以為潯陽彭澤縣是則彭澤屬潯陽時幅員較廣史稱漢武巡南郡至江陵東登禮潛浮江自潯陽出樅陽過彭蠡祀其名山大川夫樅陽在彭澤江之北史記言自潯陽出樅陽則潯陽又在樅陽北矣杜氏通典曰潯陽縣江北蘄春郡界因知廬江為春秋廬子之國晉宋以還庸為

列礎而潯陽非僅九江之潯陽則彭澤亦非今之
輿圖矣考豫章書漢時南康府爲海昏彭澤二縣
地地輿廣記星子縣本漢彭澤地元和郡縣志都
昌本漢彭澤地東流亦以爲彭澤舊境觀諸說益
信彭澤之隸潯陽者下自皖江上及南康其地殆
視今數倍迨至南唐奉化軍始置瑞昌湖口東流
三縣宋太宗太平興國三年始陞星子鎮爲縣以
東流隸池州尋又以都昌星子隸南康軍而彭澤
分晰矣附載于後以識沿革之攸殊云

附沿革

古彭澤縣在縣東三十里漢置晉隋因之唐武德五年改

彭澤爲浩州遷于浩山下今彭澤鄉

省志

浩州故城縣治南三十里五柳鄉唐武德五年置浩州以
彭澤爲附郭縣築城于此八年州廢至南唐主李昇元
年遷縣於小孤江次而城亦尋廢遺址及街砌尙有存
者

舊志

龍城廢縣在縣西二里隋平陳後置至開皇十八年又改
爲彭澤縣

太平寰宇記

趙屯城在縣東北二百五十七里典籍不載故老相傳趙
屯城

同上

上甲廢縣在彭澤縣境晉置義熙中省入彭澤 明一統志

古太原郡城太平寰宇記在彭澤東北五十里按顧野王

輿地志太原郡梁武帝立屬潯陽領晉陽天水和城三

縣 通志

廢樂城縣在縣南三十九里縣城傍山為之南北高險東

西平下隋大業十三年賊帥張善安據嶮唐武德五年

縣平屬浩州至八年省州及縣併入彭澤舊志云在陶

王山北浩州廢省入彭澤

天水廢縣太平寰宇記在彭澤縣東五十里按顧野王輿

地志天水縣武帝置以擬西水縣隋平陳廢入彭澤 通志

和城廢縣太平寰宇記在縣東北二百二十里按顧野王

輿地志和城縣江左立屬汝南郡齊之廬江南頓亦有

和城屬太原郡至隋平陳併入彭澤 通志

晉陽廢縣太平寰宇記在彭澤縣東北一百九十四里按

顧野王輿地志晉陽縣梁武帝立屬太原郡隋平陳併

入彭澤 通志

舊志天水和城晉陽三縣皆梁置屬太原郡隋廢惟

天水鄉在縣東五十里乃天水縣舊治和城晉陽皆

在縣東北二百里許後當為池州府境

訂言以上舊列古蹟余以入沿革為宜時志已刻

成因附其後

嘉善縣志卷之二
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

